

東

華

錄

東華錄卷之三

湘源蔣良騏于之父

天聰七年正月

諭各牛彘額真曰田疇廢舍民生攸賴勸農講武國之大
經民間樹蕪一一嚴節徭役勿累貧民再督率所屬三時
習射此係我國制勝之技可不努力學習耶

三月遣貝勒濟爾哈朗築岫岩城貝勒阿巴泰築攬盤城
貝勒阿濟格築通遠堡城貝勒杜度築謙場城分兵駐守
五月明將孔有德耿仲明航海來歸孔耿皆遼東人有德

爲毛文龍部下未弁遂以毛氏稱之文龍爲袁崇煥所殺
明登州巡撫調有德爲步兵左營叅將仲明亦爲叅將我
師圍大凌河登撫調有德率騎兵八百應援至果橋縣遇
叅將李九成遂同叛率其黨陳繼功李尙友曹得功等五
十餘人招烏合數千攻陷山東臨邑蒙商河青城等縣遂
圍登州城城中耿仲明與其黨杜成功曹得純吳進興等
十五人爲內應城遂陷逐其巡撫時旅順叅將陳有時廣
鹿島叅將毛承祿亦殺守吏叛至登州有德自稱都元帥
九成爲副元帥仲明爲總兵官攻取各城堡山東擾亂明

總兵祖大弼率兵數萬圍登州九成戰死有德不能支乃突圍由海道來奔爲旅順總兵黃龍所邀殺其副將李應元田良祚朝鮮復助明邀擊會我貝勒濟爾哈朗阿濟格杜度勒兵迎於江岸明兵及朝鮮兵退有德等部衆家口不遺一物 特諭令安插東京賚馬百匹 六月癸酉封孔有德爲都元帥耿仲明爲總兵官 七月貝勒岳託德格類及孔有德等攻克明旅順口俘獲人口五千三百餘牛馬等數百金二千二百兩銀二萬一千二百兩緞疋三千有奇衣二千七百有奇布二萬四千餘匹人參八箱他

物稱是 八月壬戌遣貝勒阿巴泰等統兵二千略明山海關一路俘人畜四千二百有奇 十月明廣鹿島副將尚可喜輸欵于我

天聰八年正月朔且御殿命孔有德耿仲明與和碩貝勒等同列於第一班行禮

乙巳

上御中殿命阿爾薩蘭與土謝圖濟農巴達禮孔薩克圖杜稜布塔齊噶爾珠寨特爾三貝勒下選拔力士六人較力阿爾薩蘭一一高舉之人稱奇勇 遣官營造孔有德

耿仲明第宅二人固辭不允 尙可喜招撫長山石城二

島携人民數千口來歸 二月命阿山等率管護軍大臣

鰲拜等畧錦州三月戊子還辛卯命譚泰圖尔格畧錦州

命孔有德耿仲明之黨以白廂皂尙可喜之黨于皂旂

中用白圓心爲飾 四月以瀋陽爲天眷盛京赫圖阿喇

城爲天眷興京 授尙可喜總兵官遣歸海州 辛巳初

命礼部考取通滿洲蒙古漢書文義者爲舉人十六名各

賜衣一襲免四丁宴於礼部

此設科取士之始

五月分辨步騎

守哨等兵名色以隨固山額真行營馬兵爲騎兵步兵爲

步兵護軍哨兵爲前鋒駐守盛京砲兵爲守兵閒駐兵爲
援兵外城守兵爲守邊兵舊蒙古右營爲右翼兵左營爲
左翼兵舊漢兵爲漢軍孔有德爲天祐兵尙可喜爲天助
兵 征東海虎爾哈部季思哈吳巴海遣人奏捷俘獲男
騎馬牛皮張各有差 七月

上勅李天軍由宣府畧朔州一帶定議四路兵俱于七月
初八日入邊 八月命諸貝勒率兵畧山西代州朔州等
路 四子攻克應州之石家村堡 甲戌

上諭大同城 壬午大軍至懷遠 癸未大軍至左衛城

南駐營 閏八月中申大軍駐城東 丙戌大軍駐左衛

河北 丁亥攻萬全左衛城克之 庚寅班師

十二月命梅勒章京霸奇蘭甲喇章京薩木什喀率兵征黑龍江 分定專管牛彖 遣吳巴海荆古尔代率兵征瓦爾喀

天聰九年二月以和碩木尔根戴青貝勒多尔衮貝勒岳託薩哈廉豪格爲統兵元帥固山額真納穆泰爲右翼吏部承政圖尔格爲左翼率護軍及精兵萬人往收察哈尔林丹汗之子額尔克孔果尔額哲上年察哈尔乱丹汗已

死其屬來歸者紛紛故有是舉 四月霸奇蘭等捷音至

收撫壯丁二千四百八十三人口七千三百有二俘婦女

幼稚一百十六牲畜他物稱是 吳巴海等捷奏至收撫

壯丁五百六十婦女五百口幼稚九十又俘婦女六十六

牲畜他物稱是 五月命和碩額爾克楚虎爾貝勒多環

等率兵入寧錦界明兵禦我大凌河奔潰追斬其副將劉

應選生擒遊擊曹得功殲其兵五百人距錦州松山城五

里收軍還 多尔袞等奏大軍至西喇木爾格過察哈尔

汗妻囊袋太后瑣諾本台吉率一千五百戶降隨渡黃河

抵額哲所駐北星圖其國無備額哲及其母蘇泰太后率
衆棄桑並部民一千戶歸降 是歲東方之國兩次來歸
察哈爾舉國內附各處蒙古俱歸降惟明國僅存然因事
日非亡不久矣 八月多爾袞等凱旋獲歷代傳國玉璽
相傳茲璽元順帝携逃沙漠後遂遺失 二百餘年牧羊
者見羊三日不食以蹄刨地掘得之後歸林丹汗今得於
蘇泰太后所其文漢篆制詰之寶四字瑤瑤爲盾蛟龍爲
紐光氣煥爛洵至寶也 多爾袞等三貝勒率兵並察哈
爾汗子額爾克孔果爾額哲及其大臣畧明山西一帶自

平魯衛入朔州抵長城經寧武開代州忻州惇縣黑峯口
應州而復還平魯斬明兵六千餘人俘人畜七萬六千二
百有奇乃出邊凱旋 設蒙古都統八旗各一下設副都
統叅領各二

崇德元年正月詔

太祖庶母子稱阿哥

六祖子孫俱裨魯羅命繫紅帶以別之如人相詆不得言
及祖父違者擬死

五

二月定諸臣冠飾各易金頂以示別因賜超品公額駙楊

古剎宗室篇古欵東珠金頂滿洲蒙古漢軍回山額真承
政等以寶石金頂 三月改文館爲內三院一內國史院
一內秘書院一內宏文院

諭諸臣曰喇嘛等以供佛持戒爲名潛肆奸貪直妄人耳
蒙古諸人深信其懺悔超生等語致有懸轉輪結布幡之
事嗣後俱宜禁止 四月羣臣上尊號曰

寬溫仁聖皇帝改天聰十年爲崇德元年定有天下之號
曰清追尊

始祖曰澤王

高祖曰慶王

曾祖曰昌王

祖曰福王

皇考尊諡曰

承天廣運聖德神功肇紀立極仁孝武皇帝廟號

太祖諡曰

福陵

皇妣尊諡曰

孝慈昭憲純懿貞順成天育聖武皇后

封諸貝勒爲親王郡王有差 五月

上命武英郡王等率師征明 七月武英郡王等會師出
延慶州俘人畜一萬五千有奇 九月武英郡王阿濟格
等奏我兵入長安過保定至安州克十二城五十六戰皆
捷生擒總兵巢丕昌等獲人畜十八萬有奇 十二月親
征朝鮮前鋒至王京李侗遁南漢山城我軍圍之 己亥
上率大軍由城外徑渡漢江抵南漢城西朝鮮兵屢來接
皆敗之

崇德二年正月以書諭朝鮮國王是日李侗稱臣上書謝

罪取江華島獲朝鮮王妃一兩臣侍郎各一人並財物
及羣臣家口二月壬申班師李倬出王京城跪送諭曰
爾人民家口已盡付還矣命送還王京四月武英郡王
阿濟格攻克皮島斬守將沈世奎命固山貝子尼堪羅
託博洛等與議國政每旗各設議政大臣三員六月甲寅
上夜夢至興京謁

太祖見

太祖騎而馳祀親王代善挽之不及旣而恍入明宮中見
一人以絲繚綉飾珊瑚授之以爲明萬曆帝欲無受諦視

乃金代神像出一編授曰此金國史也及覺召內院儒臣告之對曰昔

上夢入朝鮮宮果得朝鮮今夢入明宮授以前史蓋天之
應數在

皇上矣 先是遣章京尼堪等征瓦尔喀至是降之 十

一月命葉克書星納等征掛尔察 是年分漢軍爲左右

翼旂色皆用元青石廷柱爲左翼都統馬光遠爲右翼都

統四年分漢軍爲廂黃廂白廂紅正藍四旂七年分八旂

八旂次序廂黃正黃正白爲上三旂正紅廂白廂紅正

藍廂藍爲下五旂

八旂方位廂黃正白廂白正藍爲左翼正黃正紅廂紅廂藍爲右翼

崇德三年五月親征喀爾喀旋師

七月更定六部理藩院都察院八衙門官制每衙門設滿洲承政一員以下設左右叅政理事副理事主事等官共五等

諭禮部有效他國衣冠束髮裹足者重治其罪 八月先是禮部承政甲喇章京祝世昌條奏言獲敵人妻女不可

令其爲娼妓一疏奉

旨切責至是會訊以世昌身在不朝心在明園護庇漢人與奸細無異應論死

命免之以啟心耶孫應時代爲改正依議正法 賜中式
舉人羅碩等十名各朝衣一領授半個牛象章京品級各
免人丁四名一等二等三等生員各賜綉布授護軍校品
級免一丁二丁有差 九月

命睿親王多爾袞爲奉命大將軍貝勒蒙格阿巴泰副之
統左翼貝勒岳託爲揚武大將軍貝勒杜度副之統右翼

兩路證明 岳託等從密雲東北牆子嶺口毀牆分四路
人遇明總督吳阿衡兵六千敗之又連敗其副將守備拔
兵我兵所入之關漢名牆子嶺蒙古名達吉布拉牆子嶺
西一關漢名黑峪關蒙古名黑呼龍又一關漢名曹家寨
蒙古名海龍又一關漢名古北口蒙古名莫尔托石牆子
嶺東一關漢名將軍石蒙古名烏什根又一關漢名黃岩
口蒙古名章又一關漢名馬蘭峪蒙古名馬賴 多尔袞等
自董家口東青關山西由邊牆缺處毀牆入
上以明人聞我二路進兵則山海關以東寧遠錦州兵必

往西援欲牽制其援兵十月命鄭親王濟爾哈朗貝子碩託各率本旗護軍及喀喇沁兵從前屯衛寧遠中間進發豫親王多鐸貝子博洛亦率護軍及十獸特兵從寧遠錫州中間進發

上親率大軍從義州一路進發 是月多鐸等聞桑噶爾寨舊居之堡無備攻克之戮其守備及男子獲婦女幼丁及牲畜 恭順王孔有德懷順王耿仲明智順王尚可喜以神威將軍砲攻戚家堡石家堡克之俘其人口牧畜十一月豫親王多鐸兵過中後所會明總兵祖大壽率兵

往援燕京路遇遂來襲我兵陣沒者九人失馬三十四

大軍進發山海關

上親統大軍至中後所祖大壽見我軍至退入城內

上賜之勅不報 鄭親王濟爾哈朗克摸龍關又攻克五

里堡屯台獲人畜又縱掠獲人口二百餘馬牛等其數百

庚午大軍至中後所班師

崇德四年正月封新附總兵官沈志祥爲纘順公 二月

乙未遣漢軍固山額真昂邦章京石廷柱馬光遠率兩旅

兵連紅衣殉西征明國 丁酉命武英郡王阿濟格率將

士征明壬寅

上親統大軍征明壬子

上登松山南岡相度城垣形勢指示孔有德耿仲明尚可
喜石廷柱馬光遠命各依汛地用紅衣砲攻擊明日孔有
德等各移砲前進城堞盡毀明副將金國鳳等死守會日
暮召諸將還是夜城中於攻毀處以繩繫木覆之以土比
明城已築固諸將進攻不能入我軍陣亡二十人乃命勿
攻命阿濟格等率四旂護軍環守塔山連山 三月戊午
朔明太監高起潛總兵祖大壽自寧遠遣兵九百船十隻

由水路援杏山我兵擊之獲船一殺五十人 命五順王
及右廷柱馬光遠等於松山城南穿地道丙寅證明睿親
王多尔袞貝勒杜度遣官奏報左翼多尔袞疏曰臣等與
明邊關而入兩翼兵約會於通州河西由北邊過燕京自
涿州分兵八道一沿山下一沿運河於山河中間縱兵前
進燕京迤西千里內六府俱已蹂躪至山西界而還復至
臨清州渡運糧河攻破山東濟南府至京南天津衛克城
三十四降城六敗敵陣十七俘人口二十五萬七千八百
八十將士無一傷者右翼杜度疏曰臣等從明燕京西至

山西界南至山東濟南府蹂躪其地克城十九降城二敗敵陣十六殺其總督二及守備以上官百餘員生擒郡王親王奉國將軍各一俘人口二十萬四千四百二十三金四千三百三十九兩銀九十六萬七千四百六兩 兩翼俱從遷安縣回經太平寨出青山門 四月凱旋 阿尔薩蘭於錦州烏欣敗明援兵擒副將楊震

上親率四旂護軍馳往錦州縱兵攻其山寨敗之沿山樓勦兩夜斬副將徐永昌生擒副將祖克勇 我兵三路夾地攻松山城不能克罷之 遣騎兵往助阿濟格守塔山

辛丑

車駕自松山還錦州西北駐營 阿濟格畧連山獲人馬

千計

五月命鄭親王濟爾哈朗等畧明松山錦州香山等處

辛酉

上班師 濟爾哈朗奏報自入明邊境敗敵九次俘獲人

口二千二百二十

九月遣武英郡王阿濟格具勒阿巴泰杜度等率兵畧錦

州寧遠 十月遣肅親王豪格貝勒多鐸等畧錦州寧遠

十一月豪格報寧遠兵出北山岡擊敗之斬總兵金國鳳及其二子遣率海薩穆什喀等往征索倫虎爾哈部落

崇德五年正月遣翁阿岱多濟里等率將士戍防錦州

二月遣顧翁科羅巴圖魯芳薩率將士往廣寧捉生三

月命鄭親王濟爾哈朗貝勒多鐸率兵修義州城駐劄屯

田令山海關外寧錦地方不得耕種四月往征索倫虎

爾哈部落率海薩穆什喀奏報俘獲男子三千一百五十

四婦女二千七百一十三幼小一千八十九他物稱是

五月濟爾哈朗等至杏山迎降人蒙古蘇班代明總兵
祖大壽吳三桂劉智周遊擊戴明等共兵七千來遁我軍
縱擊大敗之擒副將楊倫周延州叅將李得位王寅
上率八旗護軍騎兵向錦州進發己巳至錦州攻降城
北晾馬山臺盡刈錦州城東禾稼六月命睿親王多爾
袞肅親王蒙格貝勒杜度阿巴泰等往代濟爾哈朗等於
義州城集屯田六月諭多爾袞等將兩翼兵暫往分駐
一斷敵往來之路一投誠人可乘便而來一我兵易于收
穫弗爲敵乘間竊刈其已收糧草擇堅固兩處存貯多

不表奏七月初八日夜明錦州兵五百來襲我廂藍旂貝子羅託公吞齊等擊敗之遣前鋒統領吳拜率前鋒兵一半往助睿親王軍並傳諭睿親王肅親王前次擊敵殊爲失策敵來但固守營壘候相近乃可擊前此迎戰非計也

丙午遣席特庫濟席哈等率兵並徵外藩兵東征索倫部落睿親王等奏錦州馬兵一千出城我軍擊敗之獲馬自餘又伏兵寧遠路獲明關內所運米千石及騾馬等殺押卒三百九十八月命叅領希福等往張家口交易

九月命鄭親王濟爾哈朗武英郡王阿濟格郡王阿達禮
貝勒多鐸羅洛宏等率將士一半往代睿親王等圍錦州
松山 初九日睿親王等悉衆出誘敵于杏山城北山顛
間松山騎兵出馳擊敗之及還敵復來襲又擊敗之掩殺
至松山城下及還松山兵又出亦敗之 多鐸率兵夜往
錦州西桑噶爾寨堡設伏敗兵至伏兵追之至塔山又聞
敵夜于杏山間道運糧遣兵往畧擒斬百人獲牛驢百三
十 十一月命睿親王多爾袞率領家格貝勒杜度阿
巴泰率將士之半往代鄭親王等圍錦州 十二月出

征索倫部落席特庫等奏報于齊落台地方擒獲博穆博
果尔及其妻子家屬男婦幼稚九百五十六馬牛八百四
十四

崇德六年二月先是命戶部察滿洲蒙古十六旗下牛彖
各以人口牲畜註冊分別貧富具奏至是部覆將貧窮牛
彖之該管章京等解任論曰牛彖下貧乏皆由章京及撥
什庫等耽嗜飲酒荒墮職業之故又諭王貝勒大臣曰尔
等何不親率人習射耶子弟壯者當令以角弓羽箭幼者
以木弓柳箭我國武功首重習射不習射之罪非用烟可

比用烟之禁前因尔等私用故不能治人至於射菝切不可荒廢嗣後嚴加督率爲是 多尔袞等奏報臣等圍困廣寧山城時擊敗錦州松山援兵四百餘斬二百餘級固山額真阿山襲取山城之小者俘獲男婦六十餘索海雍舜及安平貝勒属下兵共擊斬錦州兵一百七十餘人三月蒙古巴圖魯等率男婦九百餘毀大同陽和边牆報名來降 睿親王多尔袞會私遣甲兵還家又移軍過圍王碑離錦州三十里駐營

上聞大怒曰原令由遠漸近圍逼錦州所以困之今離城

遠駐敵必多遲緩道八城何時能得錦州耶因降旨切責至是發兵命鄭親王濟爾哈朗更換多爾袞等還至遼河命出征諸王貝勒貝子公固山額真梅勒章京護軍統領及議政大臣等官俱駐于舍利塔旁不許入城遣大臣訊狀凡倡言遣五人還家者卽指名舉出尔等應得何罪自行定擬具奏睿親王肅親王及二貝勒等皆自引罪

上益怒降睿肅二親王爲郡王罰銀阿巴泰以下各罰銀有差始許入城 命朝鮮總兵柳琳等率兵往助鄭親王軍 鄭親王濟爾哈朗武英郡王阿濟格郡王阿達禮貝

勒多鐸等圍困明錦州每面立八營營深壕沿壕築堞口
兩旂之間復浚長壕近城設邏卒哨探城中蒙古呼曰尔
等圍困何益城中積粟可支二三年縱圍之豈可得耶邏
卒應曰無論二三年縱有四年糧至五年後復何所食干
是城中蒙古貝勒諾木齊吳巴什渾錦等知我志在必得
謀來降遣人持書縋城約二遣七夜進兵二十四日祖大
壽聞欲擒之吳巴什等率關內蒙古兵與戰我軍聞之至
城下策應蒙古縋繩我軍援繩齊上明兵敗入城內我軍
據其外城降蒙古官屬八十六員男婦六千二百餘名口

捷音至

上大悅命八門擊鼓召衆於篤恭殿演捷 四月明援兵自杏山至松山濟爾哈朗阿達禮羅洛宏等伏兵于錦州南山西岡阿濟格多鐸等伏兵于松山北嶺令前鋒兵誘敵伏發大敗之斬百七十餘級獲馬百六十四匹甲七十六副 遣孔有德尙可喜各率本部將士赴錦州助鄭親王軍 六月命多爾袞素格率將士之半往代鄭親王等圍錦州 從內三院大學士范文程等奏于滿漢蒙古內考取生員舉人 明關內援兵由松山城沿海前進我左翼

兵追及敗之千松山城壕獲馬五十餘匹 庚午睿郡王
等奏報明開內援兵由松山來我兵追擊五里獲馬五百
七十匹 七月命耿仲明孔有德尙可喜下梅勒章京連
德成曹德選吳進功等率將士助圍錦州軍 漢軍固山
額真石廷柱言我寧圍困錦州度明必與我併力一戰此
時現在圍城者不必更換仍將更換之兵挑選精壯秣馬
以待一旦有警我軍縱橫馳擊大創一番敵寒心喪胆錦
州從此失時不能固守矣錦州破則開外八城震安知非
當年瀋陽得而遼陽隨破沙嶺捷而廣寧隨順之一大机

會載 八月

上聞明洪承疇等率兵十三萬來援錦州卽傳檄各部軍馬星集京師於十五日起行命鄭親王留守戊午渡遼河壬戌至松山陳師於松山杏山之間自烏欣河南山至海橫截大路駐營謂諸臣曰但恐敵聞朕親至將潛逃耳如不逃朕必令尔等破此敵如縱犬逐兔易如拾取不知勞苦也是時明兵如松山城北亂峯山岡結營合騎步兵號十三萬其領兵總督洪承疇巡撫邱民仰兵備道張斗煥恭王之楨兵部郎中張若騏總兵王樸李輔明唐通白廣

恩曹變蛟馬科王庭臣吳三桂及副叅遊守二百餘員見
上親率大軍大懼合謀退遁 八月癸亥明總兵入員率
兵犯我前鋒地我軍擊敗之追至塔山獲其筆架山積粟
十三堆是日浚壕斷絕松山杏山路是夜明諸將皆欲遁
撤具七營步兵迎松山城而營

甲子敵犯廂紅旗汎地擊卻之

上諭諸將曰今夜敵必遁命兩翼八旗護軍及騎兵蒙古
兵前鋒兵比翼排列直抵海邊敵遁百兵則以百人追之
千兵則以千人追之敵衆則躡後追擊直抵塔山是夜初

史明總兵王樸唐通馬利吳三桂白廣恩李輔明等率馬步兵沿海潛遁我軍相繼追擊

上又命蒙古固山額真庫魯克連爾漢阿賴等各率所部伏杏山路遮擊遁入杏山敵兵又命睿郡王等率四旗護軍往錦州大路至塔山大路橫擊之又命將往筆架山防護狼嶽又命鎮國將軍巴布海等各率所部往塔山截其路有奔至悉戮之又命武英郡王率兵亦截塔山路倘敵欲越塔山當率巴布濟等自寧遠直抵連山追擊又命固山貝子博洛率兵往噶爾寨堡截擊又聞明郎中張若騏

從小凌河乘舟遁命梅勒章京贖護等率兵追之又命固山額真譚泰率兵往小凌河西絕其歸路又命梅勒章京多濟里追擊敗兵又命固山額真伊拜等於杏山四面截擊敵之奔入西山者又命固山額真恩格圖等追擊逃兵悉如睿算明兵竄走弥山遍野自杏山迤南沿海至塔山一路赴海死者不可勝計 乙丑命固山額真劉之源携紅衣砲同睿郡王武英郡王攻克四台擒其副將王希賢叅將崔定國都司楊重鎮等總兵吳三桂王樸奔入杏山上移營松山其夜曹变蛟率孔峯山馬步兵棄寨遁欲衝

圍去其兵一半突人御營時大臣侍衛俱未至軍中大驚
侍衛巴里坤獨守營門拒敵變蛟中鎗奔還松山丁那
命宗室錫翰因戚多爾濟等率兵伏于高橋大路及桑噶
爾寨堡以杏山逃兵必由此路果有千人自杏山出伏兵
敗之追至塔山斬獲甚多是晚命貝勒羅洛宏貝子博洛
內大臣圖爾格等率精兵隨多鐸設伏杏山西台已巳
吳三桂王樸等從杏山出奔寧遠我兵截大路追擊三桂
等奔至高橋多鐸等伏兵縱擊三桂王樸僅以身免多鐸
等各還營 壬申命內大臣超品公塔瞻伊爾等率每旅

精兵五十名設伏高橋方出營遇明兵千人追斬之至高橋遇明兵六百八十盡殲之是役也破明兵十三萬擄摧朽拉枯計斬級五萬三千七百八十三獲馬七千四百四十四駝六十六甲冑九千三百四十六副明兵自杏山南至塔山赴海死者甚眾所棄馬匹甲冑以數萬計海中浮屍多于雁鶩其被我圍于松山者總督洪承疇巡撫邱民仰兵備道張斗姚恭王之楨通判袁國棟朱廷榭同知張爲民嚴繼賢總兵王廷臣曹变蛟祖大樂等士卒不過萬餘城內糧且絕勢益窮感我軍復臨大壕以困之總兵

吳三桂王樸白廣恩馬科李輔明唐通兵部郎中張若麒
等各路潰竄

壬申前路恭領努山等自明董家口喜峯口偵探回奏擊
敗明步哨五十一營斬百四十五人騎哨十一人擒守備
一人

九月乙酉命貝勒杜度阿巴泰固山額真譚泰阿山葉克
書準塔巴圖魯何洛會馬喇希巴特馬等圍守錦州貝勒
多鐸郡王阿達禮貝勒羅洛宏固山額真宗室拜尹圖公
艾度礼額駙英俄尔代庫魯克達爾漢阿賴恩格圖伊拜

等圍守松山武英郡王阿濟格外藩科爾沁國卓禮克圖親王吳克喜巴圖魯郡王滿珠習札等圍守杏山高橋

乙未遣學士額爾黑往諭鄭親王濟爾哈朗武英郡王阿濟格阿達禮貝勒多鐸等曰錦州松山所掘壕塹可周圍巡視其城外薪草卽令我兵割取丙申一鼓松山城內外馬步全出犯我廂黃旂汎地我兵擊敗之斬百七十餘級獲其兵器十一月甲辰命鎮國將軍阿拜率兵往錦州南乳峯山設防乙巳命孔有德尙可喜率木部兵駐防錦州十二月用寅濟爾哈朗奏報洪承疇以兵千人

夜犯我營我軍擊敗之斬四百餘人敵退松山城門已閉
不得入兩日之內收服二千餘人其從杏山背遁者爲我
伏兵所殺凡五百七十四人敗兵退城下因門閉不得入
投降者二千餘人閉內赴援兵竟駐寧遠終不進承疇欲
戰則力不支欲守則糧已竭欲遁又未敢成隊而出與巡
撫邱民仰兵備道張斗姚恭王之楨同知張爲民嚴繼賢
通判袁國棟朱庭榭總兵王廷臣曹變蛟祖大樂遊擊祖
大名祖大成及千把總等官百餘員士卒數千人坐困城

中

上以勅諭洪承疇及所屬將士 丙寅命祖澤洪赴錦州
索取妻子并說其父大壽來歸澤洪至錦州未得交語而
還

東華錄卷之四

湘源蔣良騏于之父

崇德七年正月阿濟格遣兵畧寧遠獲牲畜無算明總兵吳三桂等遣兵躡我後誘擊敗之 明松山副將夏承德以其子夏舒爲質密約內應 二月十八夜豎梯於城南我軍齊登生擒明總督洪承疇巡撫邱民仰總兵王廷臣曹變蛟祖大樂遊擊祖大名祖大成總兵白廣恩之子良弼等其兵備道一員副將十員遊擊都司守備紅旗千把總等官百餘員兵三千六十三名盡殲之 三月癸酉圍

杏山 郡王阿濟格奏報明國定於三月初四日遣人講

和迄今未至寧夏總兵吳三桂等遣將率兵四千駐于塔

山我軍禦之不戰而退 諭豪格等將洪承疇祖大樂解

至盛京邱民仰王廷臣曹變蛟皆處死祖大名祖大成縱

還錦州 乙卯錦州援絕糧盡祖大壽率眾出降命大壽

部下悉與留養其他悉誅之凡蒙古俱察出處斬杏山塔

山兩處可令大壽遣人說之降并令遣人往寧夏 乙酉

明遣總兵孫承澤等官齋來勸諭一道係諭兵部尙書陳

新甲其畧云臣卿奉 遠情有休兵息民之意力保其出于

真心我國家不難聽從以仰體上天好生之仁以復還我祖宗恩義聯絡之舊特諭卿便宜行事云云

上以旣與我國書何云論兵部尙書旣論陳新甲何用皇帝之寶况所用非真寶且札內藐視我國實無講和真心論諸王貝勒等以實意傳示于彼 乙未毀松山城如平地 四月丁未以勅諭明寧遠總兵吳三桂白廣恩等又令張存仁祖可法裴國珍吳三鳳胡宏先等各遣三桂書一函 鄭親王睿郡王肅郡王等以紅衣大砲攻克塔山城城內官屬兵丁共七千盡戮之諭令料理旣畢平其壤

垣大軍退駐高橋 鄭親王等以紅衣砲攻杏山克之降
獲男子二千五百七十六婦稚四千二百六十二命襲杏
山城鄭親王等率護軍還京 五月明遣兵部員外馬紹
愉主事朱濟之副將周維壻魯宗孔等來求和好 上命
迎於二十里外設宴宴之令來使行一跪三叩頭禮來使
攜有敕書一道云敕諭兵部尙書陳新甲昨據卿部奏稱
前日所諭休兵息民情事至今未有確報因未遣官至攜
未得的音今准該部便宜行事差官前往確探實情具奏

云 特諭 六月遣明使馬紹愉等還復書畧曰大清國

皇帝致書明國皇帝向來構兵蓋因爾國無故害我一祖
乃爾國反肆恣陵奪我土地我

皇考太祖皇帝於是昭告天地親征爾國其後每欲致書
修好而爾國不從事遂滋蔓以至於今予嗣位以來蒙天
眷佑自東北海濱迄西北海濱其間使大使鹿之邦產黑
狐黑貂之地不事耕種漁獵爲生之俗厄魯特部以至幹
難河源在在臣服蒙古及朝鮮悉入版圖乃昭告天地受
號稱尊國號大清改元崇德我軍每入爾境輒克城陷陣
然予仍願和好者特爲億兆生靈計耳若爾國誠心和好

自茲以後宿寃盡釋尊卑之別何必較哉古云情通則明
情蔽則暗若爾國使來予令面見予國使往爾亦令面見
則情不致壅蔽而和可久至吉凶大事當遣使交相慶弔
每歲貴國餽黃金萬兩白金百萬兩我國饋人參千斤貂
皮千張以寧遠雙樹堡中間土嶺爲貴國界以塔山爲我
國界連山適中之地兩國於此互市倘願成和好速遣使
齎和書及誓書來予亦齎書以往否則再勿遣使致書也
初漢軍止設四旂至是設八旂每旂設固山額真梅勒
章京 七月命輔國公博和託等率將士代貝勒阿巴泰

守錦州 九月固山額真墨爾根侍郎李國翰等言明國人心搖動惟當直取燕京則大業克成矣

上諭曰取燕京如伐大樹須先從兩旁砍之則大樹自仆今不取關外四城豈能卽克山海關乎今明精兵已盡我四圍縱畧彼日衰我日盛從此燕京可得矣

遣固山貝子羅託博勒尼堪等率將士往代公博和託等戍守錦州 命沙爾虎達葉赫朱碼喇率將士征虎爾哈
十月朝鮮王李倬密奏關臣崔鳴吉兵使林慶業等通明國遣多羅額駙英俄爾岱等往鳳皇城朝訛鳴吉慶

業等與平壤觀察使林尙和會于平壤箕子廟中作書遣
送明國是實朝鮮王饋送銀米人參及高調文等八人往
來明境登州寧遠賣參俱實 旨八人卽正法鳴吉繫獄
尙和革職慶業在逃繫其家屬 辛亥命阿巴泰爲奉命
大將軍與內大臣圖爾格統將士征明諭曰尔等一入明
境遇老弱毋妄殺毋離人妻子毋焚燬人財物曩兵臨山
東時有因索財物而嚴行拷逼者非仁義之師也當切以
爲戒 智順王属下獲奸細蕭大漢訊稱監軍道周法祖
遣勸智順王潛遁歸明國命斬之 己未命多鐸阿達禮

率兵赴寧遠邊外立營以制寧遠援兵且兼捉逃亡又以勅及祖大壽書諭寧遠總兵吳三桂十一月多鐸等奏報明總兵吳三桂率馬步兵出戰我軍擊敗其騎卒隨征明左翼前鋒參領羅碩侍衛胡沙右翼席特庫胡札布俱還奏言左翼兵前進地平路濶兩族兵並行幾沿路哨卒七十三人初五日又從界嶺口毀邊牆入擊虜明大同兵二千五百于抬頭營獲馬三百三十五匹右翼兵前進地隘路險單騎而進擒明偵卒言黃岩口外四十里有石城關甚隘木柵三層又去此二十里有雁門關用石圍砌皆

大砲伏藏地雷遂遣兵乘夜拆毀兩關取其地雷盡守關
兵初八日至黃岩口分兵夾攻遂克長城兩翼登城右翼
居先斬守備一城內兵潰走初九日開薊州各鄉民俱竄
入山遣兵往取糧米牲畜初十日自黃岩口向薊州圍其
城是日薊州總兵白騰蛟馬兵在前馬蘭峪總兵白廣恩
馬步兵六千在後與我軍遇擊賊之擒叅將一斬遊擊三
獲馬六百三十六匹沙尔虎達等奏報招降喀尔喀木遮
克特庫塔士庫福提希俄尔渾窪齊奇庫巴查喇額提奇
薩里尼野尔共十屯人民一千四百五十八 命奉國將

軍巴布泰巴山率將士駐防錦州 十二月命梅勒章京
金維城率漢軍馬步兵更番駐防錦州 朝鮮遣將率兵
赴錦州駐防命迎宴之

崇德八年正月命梅勒章京譚布拜覺善等率將士更番
戍錦州 三月命護軍統領阿爾津哈寧噶等率將士征
黑龍江虎爾哈遣固山額真葉臣恩格圖率將士更番戍
錦州 豫郡王多鐸言古制兵者不得已而用之若恃強
取勝非義妄動天必不佑臣竊思今日似宜暫停師旅
於國中興作俟規模既定然後舉行總以農務爲急則庶

民衣食豐足舉國慶豫 前鋒統領努山等往明寧遠及

中後所捉生歸獲男婦八十一牲畜數十 五月努山率

叅領席特庫等探我大軍出邊消息至界嶺口斬明守備

一兵三百人獲馬三十四驢二百餘擒千總一把總三

六月阿巴泰凱旋大軍直抵兗州府誅明魯王及樂陵陽

信東原安邱滋陽諸生并管理府事宗室等官數千人計

攻克三府十八州六十七縣歸順者六城敗敵兵三十九

處獲黃金萬有二千二百五十兩白金二百二十萬五千

二百七十兩有奇珍珠四千四百四十兩緞五萬二千二

百三十疋衣萬有三千八百四十領狐虎豹皮五百有奇
角面千一百六十副俘人民三十六萬九千口馬駝騾驢
牛羊三十二萬一千有奇七月阿尔津等凱旋凡攻克波
和里諾尔噶尔都里三屯招降小噶尔達蘇大噶尔達蘇
綽庫禪能吉爾四屯獲男婦二千八百餘口牲畜四百六
十貂皮千有六百虎豹等皮六百六十有奇 戊午

諭諸大臣曰凡戮力行間勤敏素著者准令其部下人自
行採參如有怠於從事素無勤勞以不准其採參心懷嫉
妬者必治以法 改理藩院衙門爲內三院另造理藩院

衙門近禮部 八月初九日

上厥代年五十有二 廟號太宗應天興國宏德彰武寬溫仁聖

睿孝敬敏昭定隆道顯功文皇帝

隆道顯功四字康熙元年加敬敏一字雍正元

年加昭定二字 葬昭陵

乾隆元年加

世祖章皇帝 上字元高 下字臣高

太宗文皇帝九子也

母昭聖慈壽恭簡安懿章慶敦惠溫莊康和大皇太后以

崇德三年戊寅正月十三日甲午戌時生

上於盛京孕十一月北誕之前

太皇太后有紅光繞身侍女驚以爲火近救不見如是者
屢又誕之先夕夢神人抱子授之曰此統一天下之主也
受置膝上其人忽不見既寤語 太宗次日誕生頂中髮
一縷聳然高起與別髮迥異是日紅光耀照宮闈香氣瀰
漫生而神靈志量非常稍長聰明英睿六歲卽嗜書史至
是禮親王代善等奉

上嗣位王貝勒大臣等共爲誓書昭告天地以鄭親王濟
爾哈朗睿親王多爾袞輔政亦與諸王大臣誓告天地

丙子遣護軍統領阿濟格尼堪等率兵戍錦州 丁丑多

羅郡王阿達禮謂睿親王曰王正大位我當從王又因山

貝子碩託遣吳丹謂睿親王曰內大臣圖爾格及御前侍

衛等皆從我謀矣王可自立阿達禮碩託偕貝勒羅洛宏

同視禮親王足疾阿達禮碩託登床耳語禮親王曰眾已

定議立睿王矣王何嘿嘿於是禮睿二王白其言於眾盾

訊俱寔阿達禮碩託坐擾亂國政伏誅並誅阿達禮母碩

託妻及所遺吳丹羅洛宏以不知情免罪籍阿達禮家給

禮親王籍碩託家并其子拉哈齊爾布給睿親王大學士

剛林亦收係因曾白於內諸大臣亦免罪撥入正黃旗大

學士范文程撥入鑲黃旗以阿達禮弟勒克德渾杜蘭哈

給肅親王 九月壬寅鄭親王等統大軍征叻寧遠衛十

月一日拔其城斬遊擊吳良弼進克前屯衛斬總兵李賦

明袁尙仁及副將等三十餘員護軍統領阿濟格尼堪布

善率將士拔中前所以前屯衛中前所中後所所獲人畜

分賜出征王大臣及官員有差 遣輔國公篇古博和託

固山額真伊拜和碩額駙杜雷率將士更戍錦州 十一

月命梅勒章京俄羅塞臣巴都里統兵征黑龍江 十二

月命固山額真譚秦準塔統將士更戍錦州

順治元年正月命恭領沙爾虎達統將士征庫爾喀 命副都統李率泰統將士戍錦州 遣來達哈巴圖魯等領兵永駐錦州 增設刑部漢軍理事官二員及工部漢軍理事官每旗各一員 二月增設內三院學士各一員 四月固山額真何洛會等訐告肅親王豪格言詞悖妄 會鞫得寔遂幽禁既而釋之廢爲庶人 大學士范文程啟攝政王曰乃者有明流寇踞於西土水陸諸寇環於南服兵民煽亂於北陸我師燹伐其東鄙四面受敵此正諸王建功立業之會也苟難成丕業以垂休萬禩者此時矣

機會而貽悔將來者亦此時今日當申嚴紀律秋毫無犯
復宣諭以昔日不守內地之由及今進取中原之意官仍
其職民復其業錄其賢能恤其無告如是則大河以北可
以傳檄定也河北一定移各官吏妻室避患於我軍因以
爲順又拔其德譽素著者置之班行則見聞可廣而政事
有時措之宜矣此行或直趨燕京或相機攻取當於長城
以西擇堅城屯兵爲門戶我師往來斯便惟攝政諸王察
之 睿親王奉勅伐明統滿洲素古兵三之二以及漢軍
叅領等三順王績順公兵散行 庚午師次于遼河時李

自成已陷燕京崇禎帝后俱自縊自成於三月二十二日
僭稱帝國號大順改元承昌洪承疇啟曰我兵之強遠寇
可一戰而除今宜先遣官宣布王命示以此行特期於滅
賊有抗拒者必加誅戮不屠人民不焚廬舍不掠財物之
意仍佈告各府縣開門歸降官則加陞軍民秋毫無犯若
抗拒不服城下之日官吏悉誅百姓仍予安全有首倡內
應者破格封賞此要務也流寇今得京城財足氣驕已無
固志一聞我軍至必焚宮殿罄府庫而遁城驛馬不下三
百餘萬日夜兼程可二三百里我兵抵京賊已遠去逆惡

不得除財物無所獲大可惜也今宜計道里限時日輜重
在後精兵在前從薊州密雲近京處疾行而前賊走則追
剿倘仍據京城則撲滅更易若慮賊眾遣精銳伏山谷狹
處以步兵扼要路我國騎兵不能履險宜於騎兵內挑選
步兵從高處覘其埋伏俾步兵在前騎兵在後比入邊則
步兵皆騎兵也孰能禦之流寇十餘年來用兵已久雖不
能與大軍抗拒亦未可以昔日漢兵輕視也 壬中睿親
王師次翁後明平西伯吳三桂遣副將楊坤等自山海關
來致書畧曰三桂以蚊負之身而鎮山海思堅守東陲而

鞏固京師也不意流寇犯關好黨開門先帝不幸九廟灰燼今天人共憤眾志已離其敗可立待我國積德累仁龜思未泯各省宗室如晉文漢武之中興者容或有之三桂受國厚恩欲興師問罪奈京東地小兵力未集特泣血求助乞念亡國孤臣忠義之言速選精兵三桂自率所部合兵以抵都門滅流寇於宮廷則我朝之報北朝豈惟財帛將裂地以酬不敢貪言王得書命漢軍齎紅衣砲往山海關進發 癸酉師次西拉塔拉報三桂書日向欲與明脩好屢行致書若今日則不復出此惟有底定國家與民休

息而已予聞流寇攻陷京師明主慘亡不勝髮指用是率
仁義之師期滅此賊出民水火及伯遣使致書深爲喜悅
遂統兵前進夫伯思報主恩不共流賊戴天真忠臣之義
也伯雖向與我爲敵今勿因前故懷疑昔管仲射桓中鉤
後用爲仲父伯若率眾來歸必封以故土晉爵藩王之則
國仇得報二則身家可保世享富貴如山河之永也 丁
丑師次連山 戊寅師駐山海關十里外一片石遇賊唐
通數百騎擊敗之 己卯師至山海關吳三桂出迎王命
三桂兵以白布飾肩爲號令先行遂入關時李自成率馬

步兵二十餘萬自北山橫亘至海列陣以待是日大風迅
作塵沙蔽天我兵少不能橫列及海王令向海列陣三桂
分兵列于右翼之末諸軍齊進風遂止大敗賊兵追殺四
十里賊遁走燕京獲駝馬緞幣無算是日進吳三桂爵平
西王賜玉帶蟒袍貂裘鞍馬玲瓏撒袋弓矢等物令山海
關城內軍人各薙髮以馬步兵一萬隸平西王隨攝政王
趙燕京追殺流賊誓諭諸將勿殺無辜勿掠財物勿焚廬
舍不如約者罪之仍曉諭官民以取殘除暴共享太平之
意 吳三桂送賊僞兵政府尚書王則堯於王斬之則堯

山西人明密雲巡撫降賊自成遣招三桂者 壬午師次

撫寧癸未次昌黎甲申次灤州乙酉次開平衛丙戌次王

田丁亥次羅公店 聞賊已西遁令諸王貝勒等率兵急

追擊之 五月辛丑徵故明大學士馮銓銓聞命卽至

保定副將王應登等陳七事一立綱紀二在賢良三靖遺

寇四申招撫五和兵民六重農務七懲貪婪 宣府巡撫

李鑑捕斬賊僞權將軍黃應選等十五人以祭崇禎帝

諸王等追殺賊于望都 己酉固山額真譚泰等破賊于

真定賊焚輜重走 燕京以北居庸關內外各城及天津

真定等處皆降六月

令洪承疇仍以太子太保兵部尚書兼都察院右副都御史佐理机政 大學士馮銓洪承疇言明時舊例凡內外文武官僚條奏併各部院覆奏本章皆下內閣票擬奏請裁定已經批紅者仍由內閣分下六科抄發各院部所以防微杜漸以後用人行政要務乞發內院擬票奏請裁定攝政王從之 御吏曹溶陳六事一定官制一議國用一戡官兵一散土寇一廣收糴一通煤運下所司 大同巡撫姜瓖言近殺賊首柯廷相等撫定大同等處恐無主生

亂因以襄強王朱鼎詞績先帝之祀隨卽告諭前朝諸王
仍照舊爵一經頒示無不欣戴攝政王報曰議委襄強王
國政大不合理不特襄強王在明係何等級仍當照舊卽
明之嫡系將軍亦宜照舊不許干預一切國政軍務致違
我法 給事中劉昌陳十事立規模儲廟算推誠心集羣
策施寔惠定經賦審官制頒俸祿明等威重守令 遣回
山額真覺羅巴哈納石廷柱率將士平定山東一路 攝
政王定議建都燕京遣輔國公吞齊哈和託等齎券迎
駕 遣固山額真葉臣等率將士平山西一路 順天巡

按柳寅東言近見陞祿凡前朝犯贓除名流寇偽官一概錄用雖云廣大無遺然非慎加選擇之道鼎革以來政教未敷奸宄靡所顧忌亟宜速定律令王報曰經綸方始治理需人歸順官員既經擢用不必苛求此後官吏犯贓寔立斬問刑准依明律 順天巡撫朱權獻治平三策一

請議崇禎廟號一禁革加派弊政一廣羅賢才 遣大學

士馮銓祭故明太祖及諸帝 葉臣啟報饒陽一路上賊

悉平

饒陽上賊康文斗即康少環郭北賊即郭拱北白號掃地王曾李自成

錦衣衛百戶危

列宿言臣招撫至天津諮訪流寓在籍官員黨崇雅等

四十三員開報 睿親王諭著吏部確覈才品卽與起用
仍行文各撫按凡境內隱逸賢良逐一起拔但不許以貪
官汚吏及貨郎雜流充數 巴哈納石廷柱啟報霸州滄
州德州臨清先後俱下 七月巴哈納等會葉臣等平山
西 修正厯法湯若望進所製渾天星球一床地平日晷
窺遠鏡各一具併輿地屏圖並請所有應用諸厯永依西
洋新法推算從之 天津總督駱養性請豁免明季加派
錢糧止征正額並火耗齋王報曰官吏犯贓審寔論斬前
諭甚明所啟錢糧征納每兩火耗三分正是貪婪積弊何

云舊例况正賦尙宜酌蠲額外豈容多取著嚴行禁革如
違卽以犯贓論罪 招撫山東河南侍郎王鰲永啟報濟
南東昌青州臨清等州郡以次撫定并賫送故明德王朱
由棗降表又言近聞南中已擁立福王改元宏光以史可
法爲內閣總兵劉澤清劉良佐黃得功高傑等分駐各鎮
請亟補鎮臣控扼淮徐下所司確議

六月攝政王遣南來副將韓拱薇等致書明大學士史可
法曰子向在瀋陽卽知燕京物望咸推司馬後入關破賊
得與都人士相接識介弟於清班曾託其手泐平安拳致

衷曲未審以何時得達比聞道路紛紛多謂金陵有自立者夫君父之讐不共戴天春秋之義有賊不討則故君不得書葬新君不得書卽位所以防亂臣賊子法至嚴也聞賊李自成稱兵犯闕荼毒君親中國臣民不聞加遺一矢平西王吳三桂界在東陲獨效包胥之哭朝廷感其忠義念累世之夙好棄近目之小嫌爰整貔貅驅除梟獍入京之日首崇懷宗帝后諡號卜葬山陵悉如典禮親郡王將軍以下仍故封不加改削勳戚文武諸臣咸在朝列恩禮有加耕市不驚秋毫無擾方擬秋高氣爽遣將西征傳

檄江南連兵河朔陳師鞠旅戮力同心報乃君國之仇彰
我朝廷之德豈意南州諸君子苟安旦夕弗審事仇聊慕
虛名頓忘寔害子甚惑之國家之撫定燕京乃得之於闖
賊非取之於明國也賊燬明朝之廟主辱及先人我國家
不憚征繕之勞悉索敝賦代爲雪恥孝子仁人當如何感
恩圖報茲乃乘逆寇羈誅王師暫息遂欲雄據江南坐享
漁人之利揆諸情理豈可謂平將以爲天塹不能飛渡投
鞭不足斷流耶夫闖賊但爲明朝崇耳未嘗得罪於我國
家也徒以薄海同仇特申大義今若遂號稱尊便是天有

二日儼為敵國子將簡西行之銳轉旆東征且擬釋彼重
誅命為前導夫以中華全力受困潢池而欲以江左一隅
兼支大國勝負之數無待著龜矣子聞君子之愛人也以
德細人則以姑息諸君子果識時知命篤念故主厚愛賢
王宜勸令削號歸藩永綏福祿朝廷當待以虞賓統承禮
物帶礪山河位在諸王侯上庶不負朝廷申義討賊興滅
繼絕之初心至南州羣彥翩然來儀則尔公尔侯列爵分
土有平西王之典例在惟執事寔圖利之晚近士大夫好
高樹名義而不顧國家之急每有大事輒同築舍昔宋人

議論未定兵已渡河可爲殷鑒先生領袖名流主持至計
必能深維終始寧忍隨俗浮沉取舍從違應早審定兵行
在卽可西可東南國安危在此一舉願諸君子同以討賊
爲心毋貪一身瞬息之榮而重故國無窮之禍爲亂臣賊
子所笑子寔有厚望焉記有之惟善人能受盡言敬佈腹
心佇聞明禁江天在望延跂爲勞書不宣意可法旋答書
曰大明國督師兵部尙書兼東閣大學士史可法頓首謹
啓 大清國攝政王殿下南中向接好音法隨遣使問訊
吳大將軍未敢遽通左右非委隆誼於草莽也誠以大夫

無私交春秋之義今倥偬之際忽捧琬炎之章真不啻從
天而降也循讀再三殷殷致意若以逆賊尙稽天討煩貴
國憂法且感且愧懼左右不察謂南中臣民偷安江左竟
忘君父之飢敬爲貴國一詳陳之我大行皇帝敬天法祖
勤政愛民真堯舜之主也以庸臣誤國致有三月十九日
之事法待罪南樞救援莫及師次淮上凶問遂來地坼天
崩山枯海泣嗟乎人孰無君雖肆法於市朝以爲泄泄者
之戒亦奚足謝先皇帝於地下哉爾時南中臣民哀慟如
喪考妣無不拊膺切齒欲悉東南之甲立剪凶仇而二三

老臣謂國破君亡宗社爲重相與迎立今上以繫中外之心今上非他神宗之孫光宗猶子而大行皇帝之兄也名正言順天與人歸五月朔日駕臨南都萬姓夾道歡呼聲聞數里羣臣勸進今上悲不自勝讓再讓三僅允監國迨臣民伏闕屢請始以十五日正位南都從前鳳集河清瑞應非一卽告廟之日紫雲如蓋祝文升霄萬目共瞻欣傳盛事大江湧出稱梓數十萬章助修宮殿豈非天意也哉越數日遂命法視師江北刻日西征忽傳我大將軍吳三桂借兵貴國破走逆賊爲我先皇帝后發喪成禮掃清宮

關樞輯羣黎且罷薙髮之令示不忘本朝此等舉動振古
鑠今凡爲大明臣子無不長跼北向頂禮加額豈但如明
諭所云感恩圖報已乎謹於八月繕治筐篚遣使犒師兼
欲請命鴻裁連兵西討是以王師旣發復次江淮乃辱明
誨引春秋大義來相詰責善哉言平推而言之然此文爲
列國君薨世子應立有賊未討不忍死其君者立說耳若
大天下共主身殉社稷青宮皇子慘變非常而猶拘牽不
卽位之文坐昧大一統之義中原鼎沸倉卒出師將何以
維繫人心號召忠義紫陽綱目踵事春秋其間特書如莽

移漢鼎光武中興不廢山陽昭烈踐祚懷愍亡國晉元嗣
基祿欽象塵宋高續統是皆於國仇未剪之日亟正位號
綱目未嘗斥爲自立率皆以正統子之甚至元宗幸蜀太
子卽位於靈武議者疢之亦未嘗不許以行權幸其光復
舊物也本朝傳世十六正統相承自治冠帶之族繼絕存
亡仁恩退被貴國昔在先朝風膺封號載在盟府寧不聞
乎今痛心本朝之難驅除亂逆可謂大義復蕃於春秋矣
昔契丹和宋止歲輸以金繪回紇助唐原不利其土地况
貴國篤念世好兵以義動萬代瞻仰在此一舉若乃乘我

蒙難棄好崇仇窺此幅幘爲德不卒是以義始而以利終
爲賊人所竊笑也貴國豈其然乎往者先帝軫念潢池不
忍盡戮剿撫互用貽悞至今今上天縱英武刻刻以復仇
爲念廟堂之上和衷體國介冑之士飲泣枕戈忠義兵民
願爲國死竊以天亡逆闖當不越於斯時矣語曰樹德務
滋除惡務盡今逆賊未服天誅謀知懋土西秦方圖報復
此不獨本朝不共戴天之恨抑亦貴國除惡未盡之憂伏
乞堅同仇之誼全始終之德合師進討問罪秦中共臬逆
賊之頭以洩敷天之憤則貴國義問昭耀千秋本朝圖報

惟力是視從此兩國世通盟好傳之無窮不亦休乎至於
牛耳之盟本朝使臣久已在道不日抵燕奉盤盂從事矣
法北望陵廟無涕可揮身蹈大戮罪應萬死所以不卽从
先帝者寔爲社稷之故傳曰竭股肱之力繼之以忠貞法
處今日鞠躬致命克盡臣節所以報也惟殿下寔昭鑒之
宏光甲申九月十五日

按史公谷書寔錄不載其原札尙存

內閣

今上命檢出裝演

御製書事一篇冠其首今恭錄於左史公書用紅帖寫皮面寫啟字蓋印印係督師輔臣之印每頁四行寫連指頭共二十字一行

御製書明臣史可法復書睿親王事

幼年卽羨聞我攝政睿親王致書明臣史可法事而未見其文昨輯宗室王公功績表傳乃得讀其文所爲揚大義而示正理引春秋之法斥偏安之非旨正詭嚴心塞嘉之而所云可法遣人報書語多不屈固未嘗載其書語也夫可法明臣也其不屈正也不載其語不有失忠臣之心乎

且其語不載則後世之人將不知其何所謂必有疑惡其
語而去之者是大不可也因命儒臣物色之書市及藏書
家則亦不可得復命索之於內閣冊庫乃始得焉卒讀一
再惜可法之孤忠歎福王之不慧有如此臣而不能信用
使權奸掣其肘而卒至倫亡也福王卽信用可法其能守
長江而爲南宋之偏安與否猶未可知而况燕雀處堂無
深謀遠慮使兵頓餉竭忠臣流涕頓足而歎無能爲力惟
有一死以報國是不大可哀乎且可法書語初無詭詐不
纏之言雖心折于睿王而不得不強詞以辨亦仍明臣尊

明之義也余以爲不必諱亦不可諱故書其事于右而可
法之書並命附錄于後夫可法卽擬之文天祥寔無不可
而明史本傳乃稱其母夢文天祥而生則出于稗野之附
會失之不經矣

東華錄卷之四終